

OFFERYNNAU STATUDOL CYMRU

**2021 Rhif 1223 (Cy. 307)**

**LLYWODRAETH LEOL, CYMRU**

**Gorchymyn Sir Gwynedd (Trefniadau Etholiadol) 2021**

*Gwnaed - - - - 1 Tachwedd 2021*

*Yn dod i rym yn unol ag erthygl 1(2) a (3)*

Mae Comisiwn Ffiniau a Democratiaeth Leol Cymru(1), yn unol ag adran 36(5) o Ddeddf Llywodraeth Leol (Democratiaeth) (Cymru) 2013(2) ("Deddf 2013"), wedi cyflwyno i Weinidogion Cymru adroddiad dyddiedig Tachwedd 2018 yn cynnwys ei argymhellion ar gyfer newid a manylion ei adolygiad o'r trefniadau etholiadol ar gyfer Sir Gwynedd.

Mae Gweinidogion Cymru, ar ôl ystyried y materion y cyfeirir atynt ac a nodir yn adran 37(2)(a) ac (c) o Ddeddf 2013, wedi penderfynu rhoi effaith i'r argymhellion hynny gydag addasiad.

Yn unol ag adran 37(3) o Ddeddf 2013, mae mwy na 6 wythnos wedi mynd heibio ers i'r argymhellion hynny gael eu cyflwyno i Weinidogion Cymru.

Mae Gweinidogion Cymru yn gwneud y Gorchymyn a ganlyn drwy arfer eu pwerau a roddir gan adran 37(1) o Ddeddf 2013.

**Enwi a chychwyn**

1.—(1) Enw'r Gorchymyn hwn yw Gorchymyn Sir Gwynedd (Trefniadau Etholiadol) 2021.

(2) At unrhyw ddiben a nodir yn rheoliad 4(1) o'r Rheoliadau, daw'r Gorchymyn hwn i rym drennydd y diwrnod y'i gwneir.

(3) At bob diben arall, daw'r Gorchymyn hwn i rym ar y diwrnod arferol ar gyfer ethol cynghorwyr yn 2022(3).

**Dehongli**

2. Yn y Gorchymyn hwn—

(1) Sefydlwyd y Comisiwn Ffiniau Llywodraeth Leol i Gymru gan adran 53 o Ddeddf Llywodraeth Leol 1972 (p. 70) ("Deddf 1972"), ac Atodlen 8 iddi. Diddymwyd adran 53 ac Atodlen 8 gan adran 73(2) o Ddeddf Llywodraeth Leol (Democratiaeth) (Cymru) 2013 (dccc 4) ("Deddf 2013") ac Atodlen 2 iddi. Mae Deddf 2013 yn ailenwi'r Comisiwn Ffiniau Llywodraeth Leol i Gymru yn Gomisiwn Ffiniau a Democratiaeth Leol Cymru (gweler adran 2).

(2) 2013 dccc 4.

(3) Mae Gorchymyn Awdurdodau Lleol (Newid Blynyddoedd Etholiadau Cyffredin) (Cymru) 2019 (O.S. 2019/1269 (Cy. 220)) yn diwygio adran 26(1) o Ddeddf 1972 i ddarparu y bydd etholiadau cyffredin cynghorwyr awdurdodau lleol yn cael eu cynnal yn y flwyddyn 2022 yn hytrach na 2021.

ystyr “y Rheoliadau” (“*the Regulations*”) yw Rheoliadau Newidiadau i Ardaloedd Llywodraeth Leol 1976(4);

ystyr “ward etholiadol” (“*electoral ward*”) yw unrhyw ardal yr etholir aelodau drosti i Gyngor Gwynedd;

mae unrhyw gyfeiriad at fap yn golygu un o'r 11 o fapiau a farciwyd “Map ar gyfer Gorchymyn Sir Gwynedd (Trefniadau Etholiadol) 2021” a adneuwyd yn unol â rheoliad 5 o'r Rheoliadau, a labelwyd “1” i “11”, ac mae cyfeiriad at fap â rhif yn gyfeiriad at y map sy'n dwyn y rhif hwnnw;

pan ddangosir bod ffin ar fap yn rhedeg ar hyd ffordd, rheilffordd, troetffordd, cwrs dŵr neu nodwedd ddaecaryddol debyg, mae i'w thrin fel un sy'n rhedeg ar hyd llinell ganol y nodwedd; mae i eiriau ac ymadroddion a ddefnyddir yn y Gorchymyn hwn yr un ystyr ag sydd iddynt yn Rhan 3 o Ddeddf Llywodraeth Leol (Democratiaeth) (Cymru) 2013, ac eithrio i'r graddau yr ymddengys bwriad i'r gwrthwyneb.

### Trefniadau etholiadol ar gyfer Sir Gwynedd

3.—(1) Mae wardiau etholiadol Sir Gwynedd, fel y maent yn bodoli yn union cyn y diwrnod arferol ar gyfer ethol cynghorwyr yn 2022, wedi eu diddymu.

(2) Mae Sir Gwynedd wedi ei rhannu'n 65 o wardiau etholiadol, a phob un ohonynt yn dwyn yr enw Saesneg a restrir yng ngholofn 1 a'r enw Cymraeg a restrir yng ngholofn 2 o'r Tabl yn yr Atodlen i'r Gorchymyn hwn.

(3) Mae pob ward etholiadol yn cynnwys yr ardaloedd a bennir mewn perthynas â'r ward etholiadol honno yng ngholofn 3 o'r Tabl yn yr Atodlen i'r Gorchymyn hwn.

(4) Nifer yr aelodau o'r cyngor sydd i'w hethol dros bob ward etholiadol yw'r nifer a bennir yng ngholofn 4 o'r Tabl yn yr Atodlen i'r Gorchymyn hwn.

(5) Mae'r darpariaethau yn y Gorchymyn hwn yn cymryd blaenoriaeth dros unrhyw ddarpariaeth wrthdrawiadol mewn unrhyw offeryn statudol blaenorol a wnaed o dan adran 58(2) o Ddeddf Llywodraeth Leol 1972(5).

### Cymuned Bangor: diddymu ward gymunedol Deiniol a newidiadau i wardiau cymunedol

4. Mae ward Deiniol o gymuned Bangor, fel y mae'n bodoli yn union cyn y diwrnod arferol ar gyfer ethol cynghorwyr yn 2022, wedi ei diddymu ac—

- (a) mae'r rhan o'r ward honno a ddangosir â llinellau ar Fap 1 wedi ei throsglwyddo i ward Hendre o gymuned Bangor;
- (b) mae'r rhan o'r ward honno a ddangosir â llinellau ar Fap 2 wedi ei throsglwyddo i ward Hiracl o gymuned Bangor.

### Cymuned Bangor: newidiadau i drefniadau etholiadol

5. Yng nghymuned Bangor—

- (a) nifer yr aelodau sydd i'w hethol dros ward Garth yw 1;
- (b) nifer yr aelodau sydd i'w hethol dros ward Hendre yw 3;
- (c) nifer yr aelodau sydd i'w hethol dros ward Hiracl yw 3;

---

(4) O.S. 1976/246. Mae adran 74(3) o Ddeddf 2013 yn darparu bod y Rheoliadau hyn yn parhau i gael effaith mewn perthynas â gorchymynion a wnaed o dan Ran 3 o Ddeddf 2013, fel pe bai'r gorchymynion hynny wedi eu gwneud o dan Ran 4 o Ddeddf 1972.

(5) 1972 p. 70; diddymwyd adran 58 o Ddeddf 1972 gan adran 73(2) o Ddeddf 2013 ac Atodlen 2 iddi, yn ddarostyngedig i ddarpariaethau arbed a bennir yn adran 74 o Ddeddf 2013.

- (d) nifer yr aelodau sydd i'w hethol dros ward Marchog yw 4.

**Cymuned Bethesda: newidiadau i wardiau cymunedol**

**6.** Yng nghymuned Bethesda—

- (a) mae'r rhan o ward Ogwen a ddangosir â llinellau ar Fap 3 wedi ei throsglwyddo i ward Rachub;
- (b) mae'r rhan o ward Ogwen a ddangosir â llinellau ar Fap 4 wedi ei throsglwyddo i ward Gerlan.

**Cymuned Bethesda: newidiadau canlyniadol i drefniadau etholiadol**

**7.** Yng nghymuned Bethesda—

- (a) nifer yr aelodau sydd i'w hethol dros ward Gerlan yw 5;
- (b) nifer yr aelodau sydd i'w hethol dros ward Ogwen yw 4;
- (c) nifer yr aelodau sydd i'w hethol dros ward Rachub yw 4.

**Cymuned Caernarfon: diddymu wardiau cymunedol a'u creu**

**8.** Mae wardiau Dwyrain, Gogledd, Deheuol a Gorllewin o gymuned Caernarfon, fel y maent yn bodoli yn union cyn y diwrnod arferol ar gyfer ethol cynghorwyr yn 2022, wedi eu diddymu.

**9.** Mae cymuned Caernarfon i'w rhannu i ffurfio'r wardiau a ganlyn—

- (a) ward Cadnant a ddangosir â llinellau ar Fap 5;
- (b) ward Canol Tref a ddangosir â llinellau ar Fap 6;
- (c) ward Hendre a ddangosir â llinellau ar Fap 7;
- (d) ward Menai a ddangosir â llinellau ar Fap 8;
- (e) ward Peblig a ddangosir â llinellau ar Fap 9.

**Cymuned Caernarfon: newidiadau canlyniadol i drefniadau etholiadol**

**10.** Yng nghymuned Caernarfon—

- (a) nifer yr aelodau sydd i'w hethol dros ward Cadnant yw 3;
- (b) nifer yr aelodau sydd i'w hethol dros ward Canol Tref yw 3;
- (c) nifer yr aelodau sydd i'w hethol dros ward Hendre yw 3;
- (d) nifer yr aelodau sydd i'w hethol dros ward Menai yw 4;
- (e) nifer yr aelodau sydd i'w hethol dros ward Peblig yw 4.

**Cymuned Dolgellau: newidiadau i wardiau cymunedol**

**11.** Mae'r rhan o ward De Dolgellau o gymuned Dolgellau a ddangosir â llinellau ar Fap 10 wedi ei throsglwyddo i ward Gogledd Dolgellau o gymuned Dolgellau.

**Cymuned Ffestiniog: newidiadau i wardiau cymunedol**

**12.** Mae'r rhan o ward Congl-y-wal o gymuned Ffestiniog a ddangosir â llinellau ar Fap 11 wedi ei throsglwyddo i ward Diffwys a Maenofferen o gymuned Ffestiniog.

**Cymuned Ffestiniog: newidiadau canlyniadol i drefniadau etholiadol**

**13.** Yng nghymuned Ffestiniog—

- (a) nifer yr aelodau sydd i'w hethol dros ward Congl-y-wal yw 2;
- (b) nifer yr aelodau sydd i'w hethol dros ward Diffwys a Maenofferen yw 5.

1 Tachwedd 2021

*Rebecca Evans*  
Y Gweinidog Cyllid a Llywodraeth Leol, un o  
Weinidogion Cymru

## YR ATODLEN

Erthygl 3

## ENWAU AC ARDALOEDD WARDIAU ETHOLIADOL A NIFER AELODAU'R CYNGOR

Tabl

<i>Colofn (1)</i>	<i>Colofn (2)</i>	<i>Colofn (3)</i>	<i>Colofn (4)</i>
<i>Enw Saesneg y ward etholiadol</i>	<i>Enw Cymraeg y ward etholiadol</i>	<i>Ardal y ward etholiadol</i>	<i>Nifer aelodau'r cyngor</i>
Aberdyfi	Aberdyfi	Cymunedau Aberdyfi a Phennal	1
Abererch	Abererch	Wardiau Abererch a'r Ffôr o gymuned Llannor	1
Abermaw	Abermaw	Cymuned Abermaw	1
Abersoch gyda Llanengan	Abersoch gyda Llanengan	Wardiau Abersoch a Llanengan o gymuned Llanengan	1
Arllechwedd	Arllechwedd	Cymunedau Aber a Llanllechid, ward Llandygái o gymuned Llandygái a ward Glasinfryn o gymuned Pentir	1
Arthog a Llangelynnin	Arthog a Llangelynnin	Cymunedau Arthog a Llangelynnin	1
Bethel a'r Felinheli	Bethel a'r Felinheli	Cymuned y Felinheli a ward Bethel o gymuned Llanddeiniolen	2
Bowydd a'r Rhiw	Bowydd a'r Rhiw	Wardiau Bowydd a'r Rhiw, a Thanygrisiau o gymuned Ffestiniog	1
Brithdir and Llanfachreth/Ganllwyd/Llanelltyd	Brithdir a Llanfachreth/Y Ganllwyd/Llanelltud	Cymunedau Brithdir a Llanfachreth, y Ganllwyd a Llanelltud	1
Bro Dysynni	Bro Dysynni	Cymunedau Bryn-crug, Llanegryn a Llanfihangel-y-Pennant	1
Cadnant	Cadnant	Ward Cadnant o gymuned Caernarfon	1
Canol Bangor	Canol Bangor	Wardiau Garth, Menai a Hendre o gymuned Bangor	2
Canol Bethesda	Canol Bethesda	Ward Ogwen o gymuned Bethesda	1

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<i>Colofn (1)</i>	<i>Colofn (2)</i>	<i>Colofn (3)</i>	<i>Colofn (4)</i>
<i>Enw Saesneg y ward etholiadol</i>	<i>Enw Cymraeg y ward etholiadol</i>	<i>Ardal y ward etholiadol</i>	<i>Nifer aelodau'r cyngor</i>
Canol Tref Caernarfon	Canol Tref Caernarfon	Ward Canol Tref o gymuned Caernarfon	1
Clynnog	Clynnog	Cymuned Clynnog a ward Nebo o gymuned Llanllyfni	1
Corris a Mawddwy	Corris a Mawddwy	Cymunedau Corris a Mawddwy	1
Criccieth	Criccieth	Cymuned Criccieth	1
Cwm-y-glo	Cwm-y-glo	Ward Brynrefail o gymuned Llanddeiniolen a wardiau Ceunant a Chwm-y-glo o gymuned Llanrug	1
De Dolgellau	De Dolgellau	Ward De Dolgellau o gymuned Dolgellau	1
De Pwllheli	De Pwllheli	Ward De Pwllheli o gymuned Pwllheli	1
Deiniolen	Deiniolen	Wardiau Clwt-y-bont, Deiniolen a Dinorwig o gymuned Llanddeiniolen	1
Dewi	Dewi	Ward Dewi o gymuned Bangor	1
Diffwys a Maenofferen	Diffwys a Maenofferen	Ward Diffwys a Maenofferen o gymuned Ffestiniog	1
Dolbenmaen	Dolbenmaen	Wardiau Bryncir, Garn, Golan, Penmorfa a Threflys o gymuned Dolbenmaen	1
Dwyrain Bangor	Dwyrain Bangor	Wardiau Marchog a Hiracl o gymuned Bangor	2
Dwyrain Porthmadog	Dwyrain Porthmadog	Wardiau Dwyrain Porthmadog ac Ynys Galch o gymuned Porthmadog	1
Dyffryn Ardudwy	Dyffryn Ardudwy	Cymuned Dyffryn Ardudwy	1
Efailnewydd a Buan	Efailnewydd a Buan	Cymuned Buan a wardiau Efailnewydd	1

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<i>Colofn (1)</i>	<i>Colofn (2)</i>	<i>Colofn (3)</i>	<i>Colofn (4)</i>
<i>Enw Saesneg y ward etholiadol</i>	<i>Enw Cymraeg y ward etholiadol</i>	<i>Ardal y ward etholiadol</i>	<i>Nifer aelodau'r cyngor</i>
		a Phentre-uchaf o gymuned Llannor	
Gerlan	Gerlan	Ward Gerlan o gymuned Bethesda	1
Glaslyn	Glaslyn	Cymunedau Beddgelert a Llanfrothen, ward  Pren-teg o gymuned Dolbenmaen a ward Tremadog o gymuned Porthmadog	1
Glyder	Glyder	Ward Glyder o gymuned Bangor	1
Gogledd Dolgellau	Gogledd Dolgellau	Ward Gogledd Dolgellau o gymuned Dolgellau	1
Gogledd Pwllheli	Gogledd Pwllheli	Ward Gogledd Pwllheli o gymuned Pwllheli	1
Gorllewin Porthmadog	Gorllewin Porthmadog	Wardiau Gest, Morfa Bychan a Gorllewin Porthmadog o gymuned Porthmadog	1
Gorllewin Tywyn	Gorllewin Tywyn	Wardiau Dwyrain Tywyn a Gorllewin Tywyn o gymuned Tywyn	1
Harlech a Llanbedr	Harlech a Llanbedr	Cymunedau Harlech, Llanbedr, Llanfair a Thalsarnau	2
Hendre	Hendre	Ward Hendre o gymuned Caernarfon	1
Llanbedrog gyda Mynytho	Llanbedrog gyda Mynytho	Cymuned Llanbedrog a ward Llangian o gymuned Llanengan	1
Llanberis	Llanberis	Cymuned Llanberis	1
Llandderfel	Llandderfel	Cymunedau Llandderfel a Llangywer	1
Llanllyfni	Llanllyfni	Wardiau Llanllyfni, Nantlle a Thal-y-sarn o gymuned Llanllyfni	1

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<i>Colofn (1)</i>	<i>Colofn (2)</i>	<i>Colofn (3)</i>	<i>Colofn (4)</i>
<i>Enw Saesneg y ward etholiadol</i>	<i>Enw Cymraeg y ward etholiadol</i>	<i>Ardal y ward etholiadol</i>	<i>Nifer aelodau'r cyngor</i>
Llanrug	Llanrug	Ward Llanrug o gymuned Llanrug	1
Llanuwchllyn	Llanuwchllyn	Cymunedau Llanuwchllyn a Llanycil	1
Llanwnda	Llanwnda	Wardiau Dinas a Rhostryfan o gymuned Llanwnda	1
Llanystumdwy	Llanystumdwy	Cymuned Llanystumdwy	1
Menai	Menai	Ward Menai o gymuned Caernarfon	1
Morfa Nefyn a Thudweiliog	Morfa Nefyn a Thudweiliog	Cymuned Tudweiliog a wardiau Edern a Morfa Nefyn o gymuned Nefyn	1
Morfa Tywyn	Morfa Tywyn	Ward Morfa o gymuned Tywyn	1
Nefyn	Nefyn	Ward Nefyn o gymuned Nefyn	1
Peblig	Peblig	Ward Peblig o gymuned Caernarfon	1
Pen draw Llŷn	Pen draw Llŷn	Cymunedau Aberdaron a Botwnnog	1
Penisa'r-waun	Penisa'r-waun	Wardiau Penisa'r-waun a Rhiwlas o gymuned Llanddeiniolen	1
Penrhyndeudraeth	Penrhyndeudraeth	Cymuned Penrhyndeudraeth	1
Pen-y-groes	Pen-y-groes	Ward Pen-y-groes o gymuned Llanllyfni	1
Rachub	Rachub	Ward Rachub o gymuned Bethesda	1
Teigl	Teigl	Wardiau Cynfal a Theigl, a Chongl-y-wal o gymuned Ffestiniog	1
Trawsfynydd	Trawsfynydd	Cymunedau Maentwrog a Thrawsfynydd	1



**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<i>Colofn (1)</i>	<i>Colofn (2)</i>	<i>Colofn (3)</i>	<i>Colofn (4)</i>
<i>Enw Saesneg y ward etholiadol</i>	<i>Enw Cymraeg y ward etholiadol</i>	<i>Ardal y ward etholiadol</i>	<i>Nifer aelodau'r cyngor</i>
Tre-garth a Mynydd Llandygái	Tre-garth a Mynydd Llandygái	Wardiau St. Ann's a Thregarth o gymuned Llandygái	1
Tryfan	Tryfan	Wardiau Carmel a Cesarea o gymuned Llandwrog a ward Rhosgadfan o gymuned Llanwnda	1
Waunfawr	Waunfawr	Cymuned Betws Garmon a ward Waunfawr o gymuned Waunfawr	1
Y Bala	Y Bala	Cymuned y Bala	1
Y Bontnewydd	Y Bontnewydd	Cymuned y Bontnewydd a ward Caethro o gymuned Waunfawr	1
Y Faenol	Y Faenol	Ward y Faenol o gymuned Pentir	1
Y Groeslon	Y Groeslon	Wardiau Dinas Dinlle a'r Groeslon o gymuned Llandwrog	1
Yr Eifl	Yr Eifl	Cymunedau Llanaelhaearn a Phistyll	1

## NODYN ESBONIADOL

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn gweithredu argymhellion Comisiwn Ffiniau a Democratiaeth Leol Cymru ("y Comisiwn"), a roddodd adroddiad ym mis Tachwedd 2018 ar ei adolygiad o drefniadau etholiadol Sir Gwynedd. Roedd Adroddiad y Comisiwn yn cynnig lleihau nifer y wardiau etholiadol o 71 i 65, a lleihau nifer yr aelodau o 75 i 69.

Mae'r Gorchymyn hwn yn gweithredu argymhellion y Comisiwn, gydag addasiadau.

Mae erthygl 3 o'r Gorchymyn hwn yn diddymu'r trefniadau etholiadol presennol ar gyfer Sir Gwynedd ac yn cyflwyno'r Atodlen, sy'n nodi'r trefniadau etholiadol newydd ar gyfer Sir Gwynedd.

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Mae'r Gorchymyn hwn hefyd yn gweithredu argymhellion ar gyfer newidiadau i'r trefniadau etholiadol ar gyfer rhai cymunedau yn Sir Gwynedd.

Mae erthygl 4 yn diddymu ward gymunedol Deiniol yng nghymuned Bangor ac yn trosglwyddo rhannau o'r ward honno i wardiau Hendre a Hiracl o gymuned Bangor. Mae erthygl 5 yn gwneud newidiadau i nifer yr aelodau sydd i'w hethol dros wardiau Garth, Hendre, Hiracl a Marchog o gymuned Bangor.

Mae erthygl 6 yn gwneud newidiadau i'r ffiniau rhwng wardiau cymunedol Ogwen, Rachub a Gerlan yng nghymuned Bethesda. Mae erthygl 7 yn gwneud newidiadau i nifer yr aelodau sydd i'w hethol dros y wardiau hyn.

Mae erthygl 8 yn diddymu wardiau cymunedol Dwyrain, Gogledd, Deheuol a Gorllewin yng nghymuned Caernarfon. Mae erthygl 9 yn creu wardiau cymunedol newydd Cadnant, Canol Tref, Hendre, Menai a Pheblig yng nghymuned Caernarfon. Mae erthygl 10 yn nodi nifer yr aelodau sydd i'w hethol dros y wardiau cymunedol newydd hyn.

Mae erthygl 11 yn gwneud newidiadau i'r ffin rhwng wardiau cymunedol De Dolgellau a Gogledd Dolgellau yng nghymuned Dolgellau.

Mae erthygl 12 yn gwneud newidiadau i'r ffin rhwng wardiau cymunedol Congl-y-wal, a Diffwys a Maenofferen yng nghymuned Ffestiniog. Mae erthygl 13 yn gwneud newidiadau i nifer yr aelodau sydd i'w hethol dros y wardiau hyn.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Gorchymyn hwn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Gorchymyn hwn.

Mae printiau o'r mapiau ffiniau a labelwyd "1" i "11" y mae'r Gorchymyn hwn yn ymwneud â hwy wedi eu hadneuo yn swyddfeydd Llywodraeth Cymru ym Mharc Cathays, Caerdydd, CF10 3NQ (yr Is-adran Democratiaeth Llywodraeth Leol), a chyda Chyngor Gwynedd. Mae'r printiau sydd wedi eu hadneuo gyda Chyngor Gwynedd yn agored i gael eu harchwilio gan unrhyw un y bydd darpariaethau'r Gorchymyn hwn yn effeithio arnynt.